

嘉興府志卷五十二

嘉興府知府善化許瑤光重輯

列傳

秀水縣

明

呂原字逢原父嗣芳萬泉教諭兄本景州訓導嗣芳老就養景州與本相繼卒貧不能歸葬原奉母南旋家益貧知府黃懋奇其才是時知府得輒補生員懋卽遣原入學正統六年舉鄉試第一明年會試第二編修累進左春坊大學士旋命入內閣預機務石亨曹吉祥用事貴

嘉興府志

卷五十二

秀水列傳

一

倨獨敬原原朝會衣青袍亨笑曰行爲先生易緋原不答有投匿名書指曹石奸者上募能捕賞官令岳正擬榜原與正諫曰爲政有體盜賊責兵部姦宄責法司豈有天子出榜購募之理事得寢尋與正列曹石罪狀疏會承天門災正草罪已詔曹石乃摘其語謂謗訕上大怒厲聲曰正大膽敢爾原素恭謹阿正何也衆爲原懼原曰忠愛分也死生天也何懼爲已而罷正留原與李賢同入內閣賢通達遇事立斷原濟以持重庶政稱理遭母喪水漿不入口三日詔葬畢卽起視事乞終制不允乃之景州啟父兄殯以歸哀毀羸瘠抵家甫葬而卒

贈禮部左侍郎諡文懿原內剛外和與物無競性儉約身無紈綺分祿恤宗姻歸裝惟賜衣數襲而已有介庵

集十二卷

明史本傳參徵獻錄程敏政遺事記

項忠字盡臣正統七年進士由刑部郎中選廣東副使按行高州謀報賊攜男女數百剽村落忠曰賊無攜家理必掠良民也戒諸將毋妄殺已訊所俘獲果然盡釋之天順初任陝西按察使時連歲災傷忠發廩賑且請輕罪納米民賴以濟陞巡撫洮岷羌叛忠言羌志在刼掠盡誅則傷仁還撫則不威乃發兵據險揚聲進討衆盡降西安水泉鹵不可飲爲開龍首渠及旱河引水入城

嘉興府志

卷五十二

秀水列傳

二

又疏鄭白二渠溉涇陽三原醴泉高陵臨潼五縣田七萬餘頃成化四年千戶滿俊反俊素藏匿姦盜出邊抄掠會有獄連俊有司跡逋至其家多要求俊怒遂激衆亂守臣遣俊姪指揮璫往捕俊劫璫叛入據石城卽唐吐番石堡城山上有城砦四面峭壁中鑿五石井以貯水惟一徑可緣而上有衆二萬關中震動乃命忠總督軍務與監軍太監劉祥總兵劉玉率兵討之忠與巡撫馬文升分軍七道抵石城下與戰斬獲多伏羌伯毛忠乘勝奪其西北忽中流矢死玉亦被圍諸軍欲退忠斬一千戶以徇衆力戰玉得出乃列圍困之日薄城下焚

芻草絕汲道賊窘欲降邀忠與文升相見忠偕劉玉單騎赴之文升亦從數十騎至呼俊瑋諭以速降賊遙望羅拜忠直前挾瑋以歸俊氣阻猶豫不出賊將楊虎狸夜出汲被擒忠貰其死諭以購賊賞格示之金且賜金帶鈎縱歸使誘俊出戰伏兵擒焉急擊下石城盡獲餘寇毀其城增一衛於固原西北西安廢城留兵戍之而還論功進右都御史巡視順天河間永平水災賑活饑民二十七萬白圭旣平劉通荆襄間流民屯結如故通黨李原掠南漳房內鄉渭南諸縣流民附者百萬詔忠總督軍務忠先遣人招諭流民歸者四十餘萬調土兵

分八道逼之流民歸者又數萬賊潛伏山砦伺間出劫遇於竹山乘溪漲半渡截擊賊多溺死復招流民五十萬斬首六百四十俘八百有奇家口三萬餘人戶選一丁戌湖廣邊衛餘令歸籍給田疏陳善後十事悉允行忠令下民有驅逼不前者卽殺之有自洪武中占籍亦在遣中給事中梁璟劾忠妄殺白圭亦言流民旣成業者宜隨在著籍帝皆不聽進忠左都御史忠上疏言賊黨罪固當死正因不忍濫誅故令壯丁謫發遣戍其久附籍者乃占山四十餘里招聚無賴千人爭鬪劫殺可以久居故不遣乎臣揭榜曉賊謂已殺千人蓋張虛勢

非實事也帝溫詔答之八年召還掌院事尋拜刑部尙書轉兵部內閣汪直黨吳綬誣忠罪斥爲民直敗復官家居二十六年與里人梅江戴祐姜諒伍芳包鼎湯篪陳蒙福教授蕭子鵬爲橋李耆英會有倡和詩一集卒贈太子太保諡襄毅有藏史居集明史本傳參徵獻錄金鼎字宗器正統乙丑進士歷陞工部虞衡司員外郎扈駕北征死土木之難徵獻錄參柳志案舊府縣志選舉門正統乙丑秀水無登進士者鼎傳作監生與徵獻錄不符俟考

施奎字漢章正統丁卯舉人任六安州學正遷遼府右長史王待以殊禮荊州故大都姦宄百出本府軍校不法

嘉興府志

卷五十二

秀水列傳

四

嚴號令誅首惡一郡帖然坐累降南安府同知歸南安士民數百人乞本郡牒至浙問安否稱其持身廉謹蒞政公勤革弊除奸愛民如子俟回文述起居以慰百姓卒項忠志其墓有竹坡稿十二卷徵獻錄參吳志

金禮字敬之幼有神童之目景泰甲戌進士授南吏部主事歷刑部郎中出爲雲南參議征鐵索橋苦竹箐諸蠻冒瘴癘深入踰月賊平病乞歸家居儉約不事矜飾郡

守楊繼宗每造廬咨政事

袁志參徵獻錄

姜諒字用貞天順甲申進士歷南刑部郎中出知漳州大早多盜發廩賑貸悉歸化捕不率者盜遂絕龍溪漳浦

田瀕海築長隄障之又濬塘渠置社倉作義冢立鄉約及田賦爲里胥飛射詭寄者悉勘復其舊按戶計丁分三等遇徭役酌量輕重授之民咸悅服建宋儒高登陳淳祠以講學親老歸漳民祀焉

浙江通志
參徵獻錄

姚俊字用章祖謙有隱德俊天順甲申進士歷刑部郎中出爲廣東僉事時苗寇不靖御史韓雍鎮兩廣委以軍事協平蠻寇方論功而奔父喪素羸哀毀卒

徵獻錄

梅江字文淵本宣城人聖俞之後成化己丑進士授廬江令擢南京貴州道御史時儲位未定首疏力請上嘉納奉命按兩廣寬恤部伍招撫流移遷四川僉事決疑獄

數十案蜀人以梅鏡稱之

兩浙名賢錄
參徵獻錄

陸遠字德毅成化乙未進士知海州一日行部有旋風三市馬首疑有寇令吏卒邏察之有人死樹下折擔尺許貫喉乃土人殺買牛者移尸於此密擒之一訊而服擢

廣東按察司僉事

趙圖記參
浙江通志

項經字誠之忠子成化丁未進士由御史出知太平府值歲祲役繁撫恤流亡來歸者萬計移治臨江與袁筠諸郡接壤土寇出沒其間前有司率玩愒慮變弗敢動經置諸豪賊於法一郡大治逾年飢有司方請賑經曰民飢甚矣必請而賑是懸口以待斃也賑而勿請罪在太

守於是發府庫金建和糴法民賴以濟時鹽司督賦方
急經不奉命司怒繼而歲大稔民入賦恐後爲諸郡最
時劉瑾用事經獨勿子賂瑾授意吏部檄休致經弟綬
爲錦衣衛指揮征苗有功瑾怒經矯詔逮綬獄戍遼瑾
誅諸賂者皆敗臺諫薦經抗直可大用上疏辭以江南
右參政致仕子錫字秉仁號餅山嘉靖癸未進士知建
陽縣恭儉愛人遇訟者必從容開諭建宋賢祠集諸生
講學擢刑部主事歷南光祿正卿寺費爲羣璫乾沒錫
一意釐剔璫喉外臺劾之論降後爲南鴻臚卿綬子鉅
壬戌進士官刑部郎錫子治元丙辰進士官吏部郎

嘉興府志

卷五十二

秀水列傳

六

往哲傳參
徵獻錄

施德字克明成化辛卯舉人性剛直居鄉卽以鋤強扶弱
爲己任知濮州興學勸課洗冤滯賑貧乏豪右懾服士
民述其善政二十餘條梓行之遷岳州府同知政如治
濮引疾歸寓情詩酒以壽終

吳志參
徵獻錄

呂憲字秉之原子蔭補國子生供事翰林授中書舍人成
化辛卯乞應順天鄉試所司執故事不許上特許之遂
中式舍人得赴試自憲始遷禮部主客司郎中典屬國
事憲好學能文諳掌故琉球請歲一入貢回貢使乞
道廣東歸國皆以非制格之進南京太僕寺少卿故事

太僕馬數不令他官知以是文籍磨滅無稽憲曰他官不與聞是也當職者可買買耶議請三年一較勘著爲例遷太常卿輯典故因革若干卷劉瑾用事再疏乞歸

有九柏山房稿

明史參徵獻錄明詩綜

戴祐

選舉表作佑

字元吉成化丙戌進士試御史稱敢諫僉事

福建浦城逋稅多令督之急民變臺鎮檄兵勦之祐謂

民愚激則生事開誠撫諭卽貼然

吳志

戴經字孟常祐子成化丙午舉人歷延平九江二府推官居官執法甘淡泊六年獨處不以家累自隨遷泰安知州致仕杜門著書有潯陽餘稿雙湖集行世秀水前未

嘉興府志

卷五十二

秀水列傳

七

有志自經始

秀水李志

朱綬字文佩成化丁未進士授庶吉士國史檢討侍岐王講讀遷楚府長史尋改晉府時王年耄世子世孫薨有欲竊柄者幽王曾孫於別宮而自請權國綬密疏以聞得救止以憂去楚王請復相優詔進階先後藩府二十餘年方正不阿

秀水任志參徵獻錄

王朴字德純性孝友日記行事以自檢成化中以貢授廣東徐聞知縣有珠池課中官爲民患請罷又有檳榔稅佐縣官尉傳朴首革之著爲令創設社學教民鑿渠溉田去之日獄無淹滯民肖像以祀

浙江通志參徵獻錄

范璿字朝珍宏治庚戌進士授德平知縣潔己愛人治行第一內召去任僅餘俸二金尋以病卒歷官十五年不克葬關中彭澤分巡嘉湖重其清德爲治北域要郡中士大夫會葬舟車塞途人以爲廉吏之報

劉志參秀
卞任志

陶煦字時和弟照字時明曾祖鉦見孝義傳煦照皆受業於伯兄熙宏治己酉同舉鄉試明年亦同登進士煦知永豐調溧水入爲湖廣道御史出知安慶府性寬靜喜怒不形守禦流賊民賴以安遷廣西副使改福建卒照授刑部主事錄囚蘇松地接故鄉或援姻婭賓客照一執以法以南刑部員外出爲廣東僉事時大盜時大咨

唐大髻起惠潮梁閏琛起清遠察土兵陳時亮有才識授以進止逮捕悉定遷四川參議又值藍鄙作亂全蜀驚擾新都故無城促築之甫畢寇不克攻而去調威茂兵備副使爲鎮臣所擠引疾歸起河南參政監小灘漕兌調劑出納公私兼裕遷雲南右布政使平嶠峨大盜調左四川丁憂歸

陳諮字汝謀父禧天順中以鄉貢授常德府教授歷瑞州府同知諮宏治丙辰進士選庶吉士改吏科給事中上言國家承平日久民不知兵請敕兩京并天下諸司廣詢博訪或世胄官兵或草澤民庶有諳曉韜略通識戰

陣便習弓馬膂力過人堪爲將領者上之兵部考其技
能籌策可用者奏留京營操練其次分送邊方効用從
之有東溪稿子澣嘉靖甲午舉人授廉州府同知改延
平再改吉安有言言草求志齋詩集

以上徵
獻錄

陶儼字時莊正德甲戌進士授陽信知縣遭流賊焚劫請
上官以羨金償民逋負民賴存活擢雲南道御史武廟
南巡同舒芬林大輅等一百七十七人上書極諫下獄
已復官世廟立議大禮不合黜知太平府調揚州所至
有聲遷河南副使致仕卒之日屬其子置義田贍族

錄參秀
水任志

嘉興府志

卷五十二

秀水列傳

九

張徽字德卿正德辛巳進士授大理評事時有妻媼夫吭
垂絕者妾救之得不死妻憤自盡坐妾死徽曰妾救夫
非殺妻也出之一少年亂隣婦母切責絕不與通婦恚
恨死抵少年罪徽曰致死不以奸法安得死亦釋之以
議大禮予廷杖尋復官累進寺正擢知南雄府墾荒田
釋流民開南市清軍屯多著惠政以不能浮沉取容罷
免沒祀鄉賢祠

劉志參
徵獻錄

諸傅字揚伯祖忠爲梧州守父敦隱居教授傅幼失學羈
州猶逐羣兒嬉於市有僧明欽勸敦曰我相郎君必貴
顯可讀書敦乃授之業傅天資穎異爲文鉤深抉奧不

輕下筆正德丁丑進士授黃梅縣縣素號難治一意撫
綏抑豪狡使不妨民民大悅丁憂起補大名縣興學勸
農脩舉廢墮孜孜不倦兩爲令不攜家清約如寒素轉
刑部主事歷陞貴州按察副使俾坦夷不設城府角巾
綈衣人無不可近而性嚴一介有請謁必拂然見于色
歷官二十年垂橐而歸同年夏言頗愛重俾當柄政未
嘗通一札也子夏甘貧樂道嫻詩文書宗褚氏法孫錫
博士克傳清白

檇李往哲傳
參徵獻錄

金榜字文華父粟諸生榜少孤哀毀如成人嘉靖壬午舉
入知甯都縣歲大旱疫虎白晝食人榜禱境內諸山得

嘉興府志

卷五十二

秀水列傳

十

澍雨病者起虎亦遯去邑有隱糧榜欲清其額下令丈
田豪家以爲不便上官尼之調知連城與甯都接壤田
畝糾錯亦如之欲遂前事奸民譁然榜憤乞歸遂不復
出後有梁以衡者來知連城取榜所議田役者讀之曰
不如此不足以定此邑之賦乃力行之民爲樹金梁德

政碑

徵獻
錄

吳鵬字萬里嘉靖癸未進士由工部主事歷官雲南副使
遷福建參議洞民陳日暉叛親冒矢石擒之尋以右副
都御史巡撫江西訛言起居民逃竄廉其人磔諸市民
悉定塞上多警部議欲捐江西兵食充邊餉力持得寢

再遷兵部侍郎督理漕河值師尙詔反陷歸德擒梟將
王千觔等賊宵遁斬獲無算晉工部尙書轉吏部時墨
相柄國侵部權廢置多出其手鵬不能無牽制然瑕瑜
自不相掩云

浙江通志
參徵獻錄

曾雨字文霖父春以文學稱兄丙南靖教諭攝縣事士民
戴之雨嘉靖乙酉舉人知滕縣縣當孔道值流賊殘破
旱蝗相仍縣西南瀕河沙漲數十頃給貧民墾闢以課
償逋稅民得甦息流移歸業者數千奉檄濬三泉灣疏
昭陽湖及溝渠以通運道疾乞閒改汀州教授學使以
瀕海甯化乏科目才選王希旦等就雨學永定患盜令

嘉興府志

卷五十二

秀水列傳

士

攝縣事遺秀才劉榮說降之薦國子監助教

徵獻錄

沈銓字大衡嘉靖乙酉舉人授永年縣遷磁州政尙體要
不事煩苛終德王府右長史從弟鑒字大新乙未進士
授興化府推官廉平不苛巡按行部有疑獄輒以屬鑒
援据刑書不妄附會攝莆田知縣海決爲田患堅築石
堤以禦陞南工部虞衡司主事權稅蕪湖令商自籍其
稅卽以其籍上之胥吏不能爲奸知興化延平兩府省
坊里供應積其餘以贍驛傳軍餉必親給之又革舟梁
之稅陞江西按察副使備兵饒州卒于官

秀水李志
參徵獻錄

賈名儒字實齋嘉靖丙戌進士歷刑部郎中時吏部尙書

汪鉉黷貨考功吏受賕事發訊之附重比忤鉉出知姚安府補汝甯會世廟躬謁顯陵道南陽吏斂民貲供應名儒爲榜還給民遷密雲兵備副使年四十乞休又四十而卒

徵獻錄參
寶山集

屠應竣字文升父勲官尙書謚康僖詳平湖列傳應竣始徙居郡城嘉靖丙戌進士授庶吉士以不附張孚敬改刑部主事值秋決已三覆審復上疏請緩死如所請典試江西閣臣有屬其二子者應竣惡之旣行夢人以酖進覆之地地墳覺而嘆曰神告我矣受私如受酖也是科稱得士調禮部歷郎中與同僚田汝成王慎中李義

嘉興府志

卷五十二

秀水列傳

主

壯各負雋名以古文詞相砥礪改脩撰進論德移病歸其爲文善比事屬辭陳義類情漁獵經史詩汎濫諸家無定格有蘭暉堂集

徵獻錄
參劉志

沈謚字靖夫父復有厚德謚爲諸生卽慨然慕道一日讀陽明傳習錄有悟卽擬渡江從之游會陽明征思田不果聞湛甘泉薛中離講學京師遂就正之相與闡性命旨嘉靖己丑成進士授行人遷刑科給事中條上四事一重輔臣之選二表理學之臣三重風紀之任四均東南之賦表理學者請以吳與弼胡居仁陳獻章王守仁下禮部議謚從祀也劾罷自宮男子二千餘人又專疏

糾輔臣張孚敬怙勢不法出爲山東僉事乞養歸母憂
服闋起江西僉事備兵大庾平李文彪之亂假歸進湖
廣參議未赴而卒謚內行醇篤畫地而蹈不失尺寸嘗
建書院於文湖祀陽明湖在秀水縣北四十里與錢德
洪王畿唐樞諸人往復切磋學者翕然嚮風稱石山先
生人鄉賢祠有石雲家藏集

分省人物考
參徵獻錄

陶謨字宗顯儼子嘉靖壬辰進士授建德縣調莆田盛暑
郊行吏卒進瓜果不食曰吾性頗耐暑按部宿村家村
民爭治供帳召里胥曰民暴露處田間乃令具幃幔我
臥能安乎終謨任無追呼之患擢四川道御史與給事

嘉興府志

卷五十二

秀水列傳

三

中王繼宗蘇應文條上備邊十二事引疾歸起廣西御
史巡按江西贛州盜起設方略擒之遷大理左丞歸遵
父命廣置義田贍族子九韶字舜卿號葵石嘉靖戊午
舉人巢縣知縣不樂吏治挂冠歸

郁蘭字文芳嘉靖甲午舉人屢蹶公車姻家吳太宰鵬謂
曰貂裘敝矣盍及我而謁選蘭謝不從及鵬罷歸始就
選得績溪令裁諸供億持法公平不肯媵阿上官某官
希執政旨將籍沒胡宗憲家郡守以屬蘭蘭曰司馬有
功東南奈何欲文致之吾官可去法不可枉也遷南刑
部主事尋乞終養家居絕跡公府以澹泊終

以上秀水
李志參徵

范之箴字從教璿孫嘉靖乙未進士授行人陞工部郎中
出知永州府時猺賊內訌官軍屢潰之箴計擒之兵備
潘某欲張大其事以爲己功株連無辜上其名將戮之
之箴謁潘給之曰土寇跳梁律無貸但人言洶洶不開
釋一二恐爲頑梗藉口曷付之箴核實始寘法許之遂
盡釋焉潘大怒以爲賣已疏劾之箴上察知狀罷潘調
之箴知漢陽永州父老立祠祀進雲南按察使致仕

卜大同字吉夫其先獲嘉人元至正間有官三者贅嘉興
楊壽六家居蕭陳湖明宣德間分縣遂爲秀水人自官

嘉興府志

卷五十二

秀水列傳

古

三至大同凡八世頗爲德于鄉里大同性孝居親喪三
年不入閭嘉靖戊戌進士授刑部主事歷湖廣按察使
僉事按行猺俗去民疾苦飭封守慎休甲期年羣盜屏
息會海寇挾倭作難而閩爲禍首推大同才擢福建巡
海副使諸所興革咸與民宜賊知有備終其任三年弗
敢犯著有征苗圖記備倭圖記

以上浙江通志參徵獻錄

吳淞字秀東嘉靖丙午舉人知靖州撫戢苗獠使同編戶
輸稅會山水驟漲民多溺死亟懸賞格拯一人者與十
緡又置筏濟未渡者州人德之佐郡九江時湖口關值
水衝商舶多壞曰甯算錐刀而傷民命乎請觀風使者

議除之遷福建鹽運使同知乞歸子熙亮字欽吾由明經授鉛山令擢梧州同知廉靜不苟撫孤姪甚摯陸欽明志墓稱其孝友出處無間

浙江通志參吳志秀水任志

卜大有字謙夫嘉靖丁未進士知無錫縣剔蠹搜奸執法不撓中時忌調簡潛山嚴明益著宿奸畏服入爲南工部主事歷禮部精膳司郎中知尋甸州有監泉詩稿經史集要弟大順字達夫癸丑進士知當塗縣縣富商大賈多規免役籍病細民爲釐革之擢刑部主事凡歷四司進吏部稽勲郎中勾稽故籍吏弗敢罔有簠泉集大觀字中夫號盥泉大同弟大有大順兄也伯叔季皆第

嘉興府志

卷五十二

秀水列傳

五

進士而仲獨不偶入貲爲蜀藩典寶四人友恭無間言大有子曰謀字子嘉以貢生授清流縣居官廉介緩催科邑人安之忤上官歸孫兆龍諸生有才名

徵獻錄參潛山當塗

縣志

周恂懋字季實嘉靖丁未進士知樂平縣苞苴屏絕訟簡刑清俗好鬪至是遵約束無敢肆去官父老餽金不受進職方主事監督朝門工勞瘁卒囊篋蕭然士大夫助金以殮女不能嫁郡守資之奩具後有御史龐尙鵬按

郡脩其墓

徵獻錄參浙江通志

屠仲律字宗豫應埈子嘉靖甲辰進士授弋陽知縣寬賦

省役瘠土之民賴之擢南京湖廣道御史時倭寇大訌
上言禦倭五事一絕亂源二防海口三責守令四議調
發五作勇敢又言禦倭諸將不善用兵之弊有九又論
倭寇充斥軍餉不足其耗破之端有六皆下部議行出
知廬州府軍興浩繁更值景府之國郡邑騷然仲律一
意節省費減他郡十五歲大祲民多逋稅出贖緩代償
平糶積穀十萬全活甚衆以勞卒於官葛麟字後川與
仲律同領庚子鄉薦知含山縣築城經畫有方而民不
擾終吉安府同知

秀水李志
參徵獻錄

湯日新字懋昭嘉靖庚戌進士髫年銳志於學文章爾雅

嘉興府志

卷五十二

秀水列傳

六

所至執經問業戶屢常滿知分宜縣有惠政民立祠祀
之累陞兵科都給事中多所建畫以通政致仕

秀水
任志

姚宏謨字繼文祖漢襄城訓導遷葉縣教諭父應科宏謨

嘉靖癸丑進士授編脩左遷六安州判越二年進揚州
府推官在六安直指使者有所恃待宏謨倨甚及宏謨
爲推官而直指謫處屬下宏謨接之彌恭累遷湖南副
使提督學政所拔皆鴻雋士重脩南嶽志楚南士子卽
嶽麓祠祀焉進國子祭酒未赴而母李沒先是漢在襄
城爲應科娶於李生宏謨甫二月而應科卒漢乃遣李
歸母家宏謨自襁褓育於祖母曾

縣志
作徐

稍長每念母輒

跣地狂叫如不欲生既仕乃解官溯淮步訪襄城之李
母在相持慟哭迎以歸至是乃請假歸廬於墓者三年
歷陞吏部左侍郎兼侍讀學士以疾乞休卒贈禮部尚
書著有寶綸閣集

徵獻錄
參袁志

呂程字宗洛呂穆字宗文從兄弟也並原曾孫同中嘉靖
癸卯舉人復同中癸丑進士程授懷慶府推官不樂親
簿書棄官歸授徒以老時稱南川先生穆知邳州丁憂
起補壽州有蕭姓者虧國儲欲賣女以納穆憫焉爲代
輸之擢工部員外郎督建三殿工出監琉璃廠工竣賜
金進階嚴嵩用事引退穆少學於武進唐順之悉得其

嘉興府志

卷五十二

秀水列傳

七

傳晚歲著書講學士多遠來師之子懌祖彭山縣丞

徵獻

錄參
吳志

盛周字文郁元提舉轅八世孫所居梅湖有朱張氏稅暑
亭遺址給事沈謐構書院講學其中周相與提倡從游
者日衆周年四十三中嘉靖壬子舉人連捷進士知浦
城縣請託餽遺一無所受時以暇課士闡性命之旨坑
場寇起築柵守禦以奇兵擣其穴悉就擒嘗懲富豪某
甲不法建甯守某潛爲入賄求解弗聽乃以危言挾持
之卒不動論戍上官以周強直不汙交章薦入都尙書
趙文華諷周曰東樓虛臺省以待盍往過之謝曰士所